



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Pacis Et Reconciliationis leges.

urn:nbn:de:hbz:466:1-20020

Dominus in mirabilibus suis, quod non in longinquum futurum esse credimus & speramus. Et licet cogitatum vestrum jaēctare debeat in Deum & sollicitudinem vestram in illum proicere qui non deserit sperantes in se nec de sua misericordia praesumentes, ne tamen ipsum fortasse tentetis si cooperari negligatis eidem, satagit oportet, quantum justè ac honestè potestis, cum omni diligentia & cautela, nihil de contingentibus omittentes, ut ille vos & in prælenti & in futuro remuneret pro cuius gloria & honore graves & grandes suffertis injurias & pressuras. Mittimus autem vobis litterarum rescriptum quas nuntiis nostris pro pace reformanda tribuimus præsentibus interclusum.

*JOHANNI ILLVSTRI
Regi Anglie, spiritu consilij sanctoris.*

Epiſt. 114.
De negotio
Archiepiscopi
Cantuariensis
Pidi infra epip. 217. & seqq.
gilia ianuc. 111.
119. 131. 132.
& Mattheus
Paris. ad. an.
1111.

Ad nostram præsentiam pervenerunt, et si non illa nobis ex parte tua sufficienter obtulerint quæ sunt ad satisfactionem sufficiencia competentem super multis & magnis injuriis & jaēcturis quas longo jam tempore intulisti Ecclesiæ Anglicane contradiuin nominis gloriam & apostolicæ sedis honorem, in periculum animæ ac dispensum famæ tuæ, adhuc tamen experiri volentes utrum te revocare possimus ab errore ad veritatem, ecce tibi benedictionem & maledictionem proponimus, ejus exemplo qui per Moysen famulam suum benedictiones & maledictiones proposuit filiis Israël, ut eligas quam malueris, vel benedictionem, si satisficeris, ad salutem, vel maledictionem, si contempferis, ad ruinam. Licet enim quasdam nobis litteras destinaveris, quibus asseruisti habiturum te ratum quicquid Abbas de Bellolo & frater A. Marcel & alij quatuor nuntij tui super negotio Cantuariensis Ecclesiæ agerent coram nobis, quia tamen ex iis non nisi tres ad nostram pervenire præsentiam, ij sine aliis nihil facere poterant secundum earundem continentiam litterarum. Præterea non agitur tantum de negotio Cantuariensis Ecclesiæ, sed totius Ecclesiæ Anglicæ, quam impie perseguendo nitoris ancillare, propter quod anathematis meruisti vinculo innodari. Si vero tres nuntij nobis ad ultimum obulerint quod secundum illam formam satisfacere promittebas quam per dilectos filios Pandulphum Subdiaconum & fratrem Durandum familiares nostros tibi curavimus destinare. Verum cum per te steterit quod minus secun-

dum eandem formam pax fuerit reformata, & postea pejora prioribus attentaveris, nos ad eam, quæ pro majori parte gratiam continebat, minimè jam tenemur, cum ipsa gratia reddideris te indignum. Ut autem vincamus in bono malum & omnem tibi excusationis materiam auferamus, adhuc eam parati fumus fervare, si ulque ad Kalendas Ianuæ proximè venturas per jura menta quatuor^{*} Baronum tuorum jurantem, te præfente ac mandante, in animam tuam, & per patentes tuas litteras repromisieris quodammodo eam fideliter & efficaciter adimplabis secundum expositiones & explanationes quas ad omnis dubitationis scrupulum removendum duximus adhibendas, & infra eundem terminum hoc totum significaveris per tuas patentes litteras venerabili fratri nostro Stephano Cantuariensi Archiepiscopo & qui cum eo sunt Episcopis suis. Alioquin ejus exemplo qui populum suum de servitu Pharaonis in manu valida liberavit, Anglicanam Ecclesiam in fortis brachio de servitu tua studebimus liberare, prædicentes nunc tibi veraciter & constanter quodammodo si pacem recipere, cum vales, non vis, cum volueris non vallebis, eritque inutilis penitentia post ruinam; sicut per eorum exempla potes cognoscere qui diebus istis similia præsumpleverunt. Formam vero quam præfatis nuntiis nostris injunximus prætentibus tibi litteris mittimus interclusam.

*PACIS ET RECONCILIATIONIS
leges.*

Expositiones autem & explanationes sunt istæ. In primis itaque solemnitatis & absolutè jurabis stare mandatis nostris coram Legato vel delegato nostro super omnibus pro quibus a nobis excommunicatus existis, & veram pacem ac plenam securitatem præstabis venerabilibus fratribus Stephano Cantuariensi Archiepiscopo, Willermo Londoniensi, Eustachio Elicensi, Agadio Herefordensi, Iocelino Bathoniensi, & Huberto Lincolniensi Episcopis, ac dilectis filiis Priori & monachis Cantuariensis, Roberto quoque filio Vvalteri, & Eustachio de Velci, necnon ceteris Clericis & laicis hoc negotium contingentibus, prestante simul coram eodem Legato vel delegato nostro publicè juramentum quodammodo ipos cum suis neclades nec laedi facies aut permittes in personis & rebus, cilique omnem indignationem dimites, & in gratiam tuam eisdem recipies, ac bona fide tenebis, quodque præfatos Archie-

* Vide lib. 28.
epist. 76. &
Mattheu Pa-
ris. ad an. 1213.

Sacramentum
Regis secundum
hanc formam
extat lib. 16.
epist. 76. &
apud Mattheu
Paris. ad. an.
1213.

piscopum & Episcopos non impedies nec permittes aut facies impediri quod minus ipsi liberè suum exequantur officium, & plena sua iurisdictionis auctoritate, prout debent, utantur; & super iis tam nobis quam ipsi Archiepiscopo & singulis Episcopis tuas patentes litteras exhibebis, faciens ab Episcopis & Comitibus ac Baronibus tuis, quot & quos prefati Archiepiscopus & Episcopi postulaverint, juramenta & patentes eorum litteras exhiberi quod ipsi bona fide studebunt ut haec pax & securitas firmiter observetur. Et si forte, quod Deus avertat, per te ipsum vel alios contraveneris, ipsi pro Ecclesia contra violatores securitatis & pacis mandatis apostolicis inhærebunt, tuque perpetuo custodiā vacantium Ecclesiarum amittes. Quod si forte nequiveris eos ad hanc ultimam juramentū partem inducere, videlicet quod si per te ipsum vel alios contraveneris, ipsi pro Ecclesia contra violatores securitatis & pacis mandatis apostolicis inhærebunt, tu propter hoc nobis ac Romanae Ecclesiæ per tuas patentes litteras obligabis omne jus patronatus quod habes in Ecclesiis Anglicanis. Omnes autem litteras quæ pro securitate predicatorum sunt exhibenda prefatis Archiepiscopo & Episcopis ante suum ingressum in Angliam destinabis. Si verò tibi placuerit, saepetati Archiepiscopus & Episcopi praestabunt, salvo honore Dei & Ecclesiæ, juratoriam & litteratoriam cautionem quod ipsi nec per se nec per alios contra personam vel coronam tuam aliquid attentabunt, te illis predictam securitatem & pacem illibatam servante. De ablatis autem plenam restitutionem & de damnis recompensationem sufficientem omnibus impendes, tam Clericis quam laicis universis ad hoc negotium pertinentibus, non solum rerum, verum etiam libertatum, eisque libertates redditas conservabis, Archiepiscopo quidem & Episcopo Lincolnensi à tempore sue * confirmannis, aliis autem à tempore discordiae inchoatae. Nec obstabit aliqua paetio vel promissio seu concessio quod minus & damna recompensentur & restituantur ablata tam vivorum quam etiam defunctorum. Nec de ablatis aliquid retinebis praetextu servitij quod tibi debuerit impendi; sed postea tibi debita pro servitio recompensatio tribuetur; statimque facies omnes quos detines Clericos absolutè dimitti ac restitu propriæ libertati, & etiam laicos qui occasione hujus negotij detinentur. In-

* Anno Matis
Paris confe-
crationis.

continenti quoque post adventum illius quod debet abfolvere facies de parte restitutionis ablatorum octo milia librarum legallium sterlingorum, pro perlolvendis debitis & faciendis expensis, nuntius predictorum Archiepiscopi & Episcoporum ac monachorum Cantuariensium assignari. Ne impedimento quolibet per tuam potestatem ad eos libere deferenda, ut expediti revertantur in Angliam honorifice revocati, videlicet Stephano Cantuariensi Archiepiscopo duo milia & quingentas libras, Willelmo Londonensi Episcopo septingentas & quinquaginta libras, Eustachio Eliensi * mille & quingentas libras, Aegidio Herefordensi septingentas, & quinquaginta libras, Iocelino Bathoniensi septingentas & quinquaginta libras, Huberto Lincolniensi septingentas & quinquaginta libras, Priori & monachis Cantuariensis mille libras. Sed protinus absque mora postquam pacem istam duxeris acceptam resignari facies Archiepiscopo & Episcopis & Clericis ac Ecclesiis universis in manibus nuntiorum vel procuratorum ipsorum omnia * immobilia cum administracione libera eorundem, & in pace dimitti. Interdictum etiam vulgariter utlagatio nuncupatum, quod proponi fecisti contra personas ecclesiasticas, publicè revocabis, protestando per tuas patentes litteras Archiepiscopo tribuendas id ad te de personas ecclesiasticis nullatenus pertinere, quodque illud de cetero contra personas ecclesiasticas non facies promulgari. Revocabis præterea utlagationem laicorum ad hoc negotium pertinentium, & remittes hominum quæ post interdictum ab Ecclesiarum hominibus receperisti præter regni constitutinem & ecclesiasticam libertatem. Si verò super damnis vel ablatis aut eorum quantitate vel estimatione quæstio fuerit de facto suborta, per Legatum aut delegatum nostrum receptis probationibus publicè terminetur. Et his omnibus rite præcis, relaxabitur sententia interdicti. Super ceteris autem capitulis si quæ fuerint dubitationes subortae, de quibus meritò valeat dubitari, nisi per Legatum vel delegatum nostrum de partium fuerint voluntate sopitæ, ad nostrum referantur arbitrium, ut quod super iis decreverimus observetur. Remissimus igitur ad tuam regalem præsentiam prefatum Subdiaconum & familiarem nostrum Pandulphum, nobis & fratribus nostris merito sue probitatis acceptum, fideliter consulentes ut his quæ tibi ex parte nostra suggesterit omni dubitatione

Romani Pontificis Lib. XV.

729

dubitacione postposita benevolum imperiariis assensum. Datum Laterani IIII. Kal. Martij; pontificatus nostri anno quinto. decimo.

FORMA QVIDEM EST TALIS.

Dilectis filiis Pandulpho Subdiacono & fratri Durando familiaribus nostris.

ILlam gerimus de vestra discretione fiduciam ut securè vobis ardua negotia committamus, pro certo sperantes quod ea secundum Deum ad honorem & perfectum apostolicæ sedis curabitis promovere. Quocirca discretioni vestra per apostolica scripta præcipiendo mandamus quatenus proficentes in Angliam unam cum venerabili fratre nostro Vintoniensi Episcopo & dilecto filio Priore Conventensi vel eorum altero, si forsan ambo interesse non possent, Regis præsentiam adeatis, monentes & exhortantes eundem efficaciter & prudenter ut Deo & Ecclesiæ satisfaciat secundum formam subscriptam inter nos & nuntios suos multimoda deliberatione provisam. Ipse quidem cum suas patentes litteras vobis tradiderit, & vos nostras patentes litteras sibi tradatis secundum capitularis tenorem quod ei pridem direximus sub alphabeto distinctum, vobisque tradimus ad cautelam. Sed si Rex maluerit ut nec ipse tradat hujusmodi litteras suas vobis, nec vos tradatis hujusmodi litteras nostras sibi, acquiescatis eidem, & sic cum prædictis Episcopo & Priore vel eorum altero, recepto ab eo publicè jure quod super is pro quibus de mandato nostro excommunicatis existit nostris mandatis absolute parebit, tu, fili Subdiacone, beneficium ei absolutionis impendas, reconcilians cum ecclesiastica unitati; ac deinde recipientes ab ipso tam pro venerabili fratre nostro Cantuariensi Archiepiscopo quam pro coëpiscopis ejus & monachis Cantuariensis ac omnibus aliis ad hoc negotium pertinentibus plenam securitatem ac idoneam cautionem per honorabiles nuntios faciatis eos in Angliam revocari; quibus idem Rex omnem rancorem & indignationem remittat; ac recepto à præfato Archiepiscopo juramento quod à suis prædecessoribus consuevit illius progenitoribus exhiberi, universa ei concedat & tradat & faciat ab eo pacificè posseideri qua ad ipsum pertinere noscuntur, ita quod super ablatorum restitutione ac recompensatione damnorum satisfactionem plenariam tam ipsi quam aliis universis faciat exhiberi; & sic tu relaxes senten-

Tom. I L

tiam interdicti. Si vero circa horum aliquid de quo merito valeat dubitari quicquam emerget quæstionis, nostro reservetur mandato; injungendo super hoc ipsi Regi ex debito præstiti juramenti ne propter hujusmodi dubium relaxatio interdicti nimis differatur. Testes autem qui super eo fuerint nominati, si se gratia, odio, vel timore subtraxerint quod minus perhibeant testimonium veritati, ad hoc per censuram ecclesiastican appellazione remota compellas; quatenus inquisita & cognita veritate, si quid super ablatorum restitutio vel recompensatione damnorum propter questionem subortam remanferit imperfectum, per apostolicum tandem mandatum consultius impleatur. Quod si forte præfatus Rex infra menem præscriptam formam non duxerit acceptandam, sed in sua maluerit duritia perdurare, vos ex tunc recedentes ab ipso, significetis ex parte nostra prædictis Archiepiscopo & Episcopis ut negotium Ecclesiæ, prout melius poterunt, persequantur, vosque non differatis ulterius ad nostram præsentiam remeare.

CAPITVL O MELPHIENS.

AVRES habuit & non audivit, nares & Epist. 235.
non odoravit, ille qui præfuit & ob-
fuit Ecclesiæ Melphiensi, cum operum
eius clamos, qui usque ad nos in longin-
quo insinuione clamosa communis ferè
opinionis vallata testimonio pervenerunt,
in proximo noluerit intelligere ut bene
ageret, comparatus jumentis insipienti-
bus, & similis illis effectus, & nostræ com-
missionis surdus auditor, inter virtutum
odorem & factorem non discreverit vicio-
rum. Acceperamus siquidem olim qualiter
R. tunc Melsiensis Episcopus, si Episco-
pus dici debet quem opera mercenarium
exhibuerunt, non pastorem, habitus fue-
rat de bonæ memorie Iacobi prædecesso-
ris sui morte suspectus, quid & qualiter
post obitum illius proprio firmaverat jura-
mento, & contra id venerat quod jurarat,
quomodo tandem in sua fuerat electione
processum, qualiter etiam illa quam in
oculis populi ad publicæ infamiae testimo-
nium detinebat, in die consecrationis ejus
enixa, & libidinis testem produxerat, &
quasi recentis ediderat incontinentia ar-
gumentum, & quomodo aliis qui post eum
venerat & descendebat ex eodem, ante ip-
sum factus est Presbyter, ante patrem af-
cendens filius ad altare. Nos autem erga
ipsum tanta patientia sumus usi quod qui

Z Z Z